

Ombak besar pecahkan benteng batu

30 Disember 2015 1:03 AM

Share

0

Tweet

0

Google +

0



ZULKADRI HAFIZAL melihat benteng penghalang ombak yang pecah dalam kejadian ombak dan air pasang besar di pantai Suria Cherating Beach Resort, Kuantan, semalam. utusan/MAHATHIR ALI

KUANTAN 29 Dis. – Kejadian ombak dan air pasang besar menyebabkan sebahagian benteng batu yang dibina pengurusan Cherating Beach Resort (Suria Cherating) di sini sejak beberapa tahun lalu pecah.

Pengurus Suria Cherating, Zulkadri Hafizal berkata, benteng itu dibina bagi mengelakkan masalah hakisan pantai memandangkan semasa musim tengkujuh air mula naik dan ombak akan lebih besar.

“Bagaimanapun ia terjejas sedikit demi sedikit sejak beberapa tahun kebelakangan ini dan kali ini lebih serius,” katanya di sini hari ini.

Menurut Zulkadri, pihaknya akan berusaha membaiki benteng batu tersebut bagi mengatasi masalah hakisan pantai dan mengawal paras air laut yang meningkat.

Dia juga berharap pihak berkaitan seperti Jabatan Pengairan dan Saliran (JPS) menimbangkan keperluan untuk membina benteng pemecah bagi memperlancarkan ombak di situ.

“Pembinaan benteng pemecah ombak penting bagi mengelakkan hakisan teruk apatah lagi kawasan ini popular sebagai destinasi pelancongan,” katanya.